

02-
潘慧純·邵慧圓
述

淨
土
輯
要

鑑定者 印光大師
輯述者 潘慧純、邵慧圓

淨土輯要

普爲施資
讀誦回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
一切助成人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道
香港佛經流通處謹識

◀ 品 賣 非 ▶

淨

土

輯

要

式仟本

佛曆式伍式玖年（西曆一九八五）
歲次乙丑十一月十七日
阿彌陀佛聖誕良辰 敬印

普贈各界廣結善緣

鑑定者 印 光 大 師

輯述者 潘慧純、邵慧圓

印贈者 陳 德 星 堂

督印及
藏版者
香港法喜蓮社
香港佛經流通處

香港北角英皇道三九〇號
亞洲大廈五樓C座
電話：五一七〇一四七八
H. K. BUDDHIST BOOK DISTRIBUTOR

380, King's Road, 4th Floor,
Flat "C" Asia Mansion
Hong Kong

印造佛經佛像之十大利益

一 二 三 四 五 六 七 八 九 十

從前所作種種罪過。輕者立即消滅，重者亦得轉輕。常得吉神擁護，一切瘟疫、水火、寇盜、刀兵、牢獄之災，悉皆不受。夙生怨對，咸蒙法益，而得解脫，永免尋仇報復之苦。夜叉惡鬼，不能侵犯，毒蛇餓虎，不能爲害。

心得安慰，日無險事，夜無惡夢，顏色光澤，氣力充盛，所作吉利。至心奉法，雖無希求，自然衣食豐足，家庭和睦，福祿縣長。

所言所行，人天歡喜，任到何方，常爲多衆傾誠愛戴，恭敬禮拜。愚者轉智，病者轉健，困者轉亨，爲婦女者，報謝之日，捷轉男身。永離惡道，受生善道，相貌端正，天資超越，福祿殊勝。

能爲一切衆生，種植善根。以衆生心，作大福田，獲無量勝果。所生之處，常得見佛聞法，直至三慧宏開，六通親證，速得成佛。

印造經像，既有如此殊勝功德，故凡遇○祝壽○賀喜○免災○祈求○

懺悔○薦拔之時，皆宜歡喜施捨，努力行之。

淨土輯要序

藥無貴賤、愈病者良。法無淺深、合機者妙。時當末法、人根陋劣、匪仗如來宏誓願力、其誰能斷煩惱以出生死、見本性而證無生乎。譬如病入膏肓、雖和緩亦無從措手、然肯服此阿伽陀萬病總治之藥、則所謂斷煩惱以出生死、見本性而證無生者、固人人皆可親得、而了無所難焉。何也、以其以真信切願、持佛名號、求生西方、決于臨終蒙佛接引、卽獲往生也。既往生已、長時親炙彌陀、參隨海衆、尙當圓滿菩提、徹證究竟涅槃、況所謂斷煩惱以出生死、見本性而證無生乎。是知當此時節、唯此一法、最爲合機。若捨此仗佛力之法門、而修仗自力之法門、勿道中下根人、莫由冀望、縱令上根、亦斷難以卽生成辦、多皆但種來因、難得實益。以故古今知識、極力宏揚此法、以期上報佛恩、下度同倫也。瀏陽潘子慧純、邵子慧圓、篤信佛法、鑑時機宜、因輯古今提倡淨土法門諸要義、以爲一書。分爲三篇、上篇輯錄增訂廣長舌、稍加芟正、以爲初機入門之階。中篇則輯錄龍舒居士覺明妙行菩薩以及善導永明優曇天如蓮池愍山蕩益截流省庵徹悟諸大師及最近彭二林諸居士最切要最圓頓諸開示、以期由淺入深、領略淨土法門之旨趣。下篇輯錄念佛儀式、淨土日課經呪、及回向諸文、

以爲朝暮課誦之儀軌。末後附錄覺明妙行菩薩及哆哆婆婆訶菩薩應化因緣。以明淨土法門之深契時機。擬排印流通。以供徧界諸同志之閱覽。爰爲題之爲淨土輯要。并略述淨土法門之所以。以期見者聞者。同生正信。同修淨業。庶可同生淨土。同證無生。以迄同成正覺也。民國十七年戊辰臘月初八日古莘常慚愧僧釋印光謹撰

無。禪。有。淨。土。

萬。修。萬。人。去。

但。得。見。彌。陀。

何。愁。不。開。悟。

淨土輯要目錄

上篇(即增訂廣長舌)

啓教第一	一
念佛第二	二
念法第三	四
釋名第四	一二
原因第五	一四
功德第六	一五
效果第七	一五
誤會第八	一七
煩惱第九	一八
弭禍第十	一八

治病第十一	一九
歸元第十二	二〇

中篇(敬錄諸大祖師法語)

一龍舒淨土文	二三
二覺明妙行菩薩法語	三四
三善導大師法語	三七
四飛錫大師寶王論提要	三九
五永明壽禪師萬善同歸集錄要	四一
六宗蹟大師法語	四三
七有嚴大師法語	四六
八虎谿尊者法語	四七
九天如禪師淨土或問錄要	五〇
十蓮池大師法語	五四

十一 愍山大師法語……………七六

十二 紫柏大師法語……………八二

十三 藕益大師法語……………八四

十四 截流大師淨土警語……………一〇三

十五 省庵法師法語……………一一八

十六 徹悟禪師語錄……………一二四

十七 西方公據念佛說……………一四七

十八 袁列星居士法語……………一五〇

十九 陸士銓居士法語……………一五二

二十 彭二林居士法語……………一五四

下篇（念佛儀式及經呪）

念佛儀式……………一五七

經呪……………一五九

發願文……………一六五

附錄

覺明妙行菩薩及哆哆婆婆娑訶菩薩應化事迹……………一六七

淨土輯要

上篇（即增訂廣長舌）

印光法師鑒定

苦行居士原著

潘慧純
邵慧圓
參訂

啟教第一

娑婆教主釋迦如來成佛道時。徹見一切衆生一念心性。與阿彌陀佛。無二無別。喟然嘆曰。奇哉奇哉。一切衆生。皆有如來智慧。但以妄想執著。不能證得。若離妄想。則一切智。無礙智。皆得現前。由是隨順機宜。說種種法。無非令其斷除妄想執著。以復其本有心性而已。然衆生根機至不一。若非宿根成熟。斷難現生斷惑證真。出離生死。於是特開一信願念佛求生淨土法門。俾一切上中下根衆生。同於現生。仗佛慈力。往生西方。無論惑業之斷與未斷。及工夫之深淺。善根之大小。罪業之輕重。但具眞信切願。無一不得往生。此之法門。其功德力。用與佛一代所說通途法門之功德力用。天淵懸殊。以通途法門。皆仗自力。必須惑業淨盡。方可了生脫死。此之法門。雖則是足惑業。仗佛慈力。使得往生西方。既往生已。則惑業不期

斷而自斷。福慧不期圓而自圓。以故諸佛、諸大乘經、諸大祖師法師、善知識。皆以念佛一事爲宏法利生第一要務。世人不知其所以然。謂爲迷信而不注意。譬如無知愚人。謂起死回生之甘露醍醐。爲喪身失命之豈霜鳩毒。砒不大可哀哉。因略述原由。並諸修法。以爲未入門之諸同仁告。若已入門者。自有淨土諸經論記述在。正無須乎此種淺近之說也。

念佛第二

何以要勸人念佛。因爲人人皆有佛性。其本性所以未明者。煩惱惑業蒙蔽故也。猶之一面古銅鏡子。鏡面堆積塵垢。自然模糊不能照人。須日日擦之。久久塵垢去盡。光明豁然顯露矣。人能恭敬念佛。念念掃盡妄念。心地自然光明。勸一人信佛念佛。功德無量。以信佛念佛者。決定往生西方。既生西方。決定必成佛道。既成佛道。決定廣渡衆生。展轉化度。無有止境。故有不可思議之功德也。

附錄念佛答客問

問、今之學佛者。多依何法修行。答、多依念佛法門。
何念法。答、念者想、念也。有念佛相者。有念佛號者。

問、何謂念佛。答、念阿彌陀佛。
問、此法有如何利益。答、念佛之人。常

爲一切諸佛之所護念。除災得福。不遭魔事故。速成佛道故。問。何以速成佛道。答。念佛之人。爲阿彌陀佛之所攝受。命終得生極樂國土。生已得不退轉故。問。何謂極樂國土。答。阿彌陀佛爲教主之世界也。其國土中。無三惡道。無一切苦。往生者蓮花中生。壽命無量。問。此法門出何經教。答。詳載佛說無量壽經。觀無量壽佛經。及佛說阿彌陀經。其他經論亦多有之。問。佛何以說此法門。答。佛爲衆生不能現生了生死。每致墮落。欲令現生了生死。故說此法。問。何以必念阿彌陀佛。答。阿彌陀佛曾發大願。莊嚴淨土。有念之者。誓必接引往生彼土。又有觀世音。大勢至二菩薩。輔佛度生。皆與我等衆生。極有因緣。易見效果也。問。此法度何等入。答。此法上中下三根普被。凡夫二乘菩薩。皆合修習。皆可往生。生皆不退。眞所謂勝方便易行道者矣。問。念佛往生。何以其易若是。答。佛之願力極大。吾人一有信願。卽如駛舟之得順風也。問。上來所說諸法。係出何典。答。均出於藏經。問。同一佛也。何以念阿彌陀佛爲勝。答。以彌陀誓願度苦衆生。此土衆生與彌陀因緣甚深一也。彌陀願力接引念者。盡得往生二也。執持名號。修易成就三也。旣生極樂。永不退轉。直至菩提四也。餘如淨土諸經論所說。

附錄蓮池大師普勸念佛歌

若人富貴。受用現成。正好念佛。若人貧窮。應修福慧。正好念佛。若人有子。宗祀得託。正好念佛。若人無子。孤身自由。正好念佛。若人子孝。安受供養。正好念佛。若人子逆。免生恩愛。正好念佛。若人無病。趁今康健。正好念佛。若人有病。切近無常。正好念佛。若人孤寡。子然無礙。正好念佛。若人遇難。遭逢如此。正好念佛。若人年老。光景無多。正好念佛。若人年少。精神清利。正好念佛。若人處閒。心無事擾。正好念佛。若人處忙。忙裏偷閒。正好念佛。若人出家。逍遙物外。正好念佛。若人在家。知是火宅。正好念佛。若人聰明。通曉經史。正好念佛。若人愚魯。別無所能。正好念佛。若人學禪。悟得唯心。正好念佛。若人修仙。求無量壽。正好念佛。

念法第三

心中念佛。用耳聽音。字字清楚。可使心不他向。久久心中自然不念而念。一心不亂了。這種道理。到一步自有一步的妙處。非筆墨所可盡述。惟行者自知。近來湖南大圓居士唐蔚鴻。有念佛祕訣一篇。深切簡要。大可取法。茲附錄於下。

附錄念佛祕訣

印光法師曰：祕者，要妙親切之謂，非祕而不肯傳人之謂。外道每以不善通傳人之法爲祕，乃市井小人詭詐作爲，其所私相傳受者，決非正大光明之道，不可不知之。

上 念佛三字訣

◎敘義致第一。佛教人念佛的意思，不是小可。就是要我們凡夫一念成佛的。別的小術都有祕訣。此等超凡入聖的大事業。若無祕訣。誰人肯信。因爲要你們信。所以將諸佛祕訣說出。若肯照行。則九品蓮臺。定有你們的座位矣。祕訣是甚麼。就是信願行三個字。

◎勸生信第二。一要信西方有極樂世界。黃金爲地。極其快樂。二信彼處有阿彌陀佛。早已發願。要接引我們念佛衆生。三信念一句佛。能滅八十億劫生死重罪。所以念佛功德最大。四信他種修行。要經多劫。滅盡惑業。方能了生脫死。阿彌陀佛。獨慈悲念佛的人。特于臨終。垂慈接引。令其帶業往生西方。見佛聞法。業空性朗。安樂自在。回入娑婆。普度衆生。五信修來生富貴。則貪名圖利。易於迷昧。若修仙道。則天仙之福享盡。苦相又現。仍墮輪迴。惟念佛人。雖帶業往生。只有前進。終不退轉。六信念佛人。佛常護念。無一切災禍。七信念佛人能超拔自己祖宗。及一切鬼神。到處有善神保佑。魔鬼不敢近身。八信念佛

人往往淨土。不再入六道輪迴。常與諸上善人俱會一處。永無退緣。決定成佛。

◎勸發願第三。一願捨娑婆世界一切貪瞋煩惱。往生極樂世界。二願不作惡業。免致墜地獄餓鬼畜牲三惡道。受極苦故。所作善業。不求生神道。以有貪瞋業。難解脫故。不求再生人道。以迷信悟少故。不求生天道。以報盡還墜下界故。但專心一意。決定要往生極樂世界。三願不獨我一人往生。並廣度一切衆生。念佛往生。四願將持戒布施持經呪等所得功德。皆回向淨土。爲我與法界衆生往生之助。五願任如何痛苦厄難。不改往生之願。

◎勸修行第四。行法頗多。爲初機人求簡便。略開三法。一定課念。早起焚香念阿彌陀佛。身金色八句偈。每句一拜。接念南無西方極樂世界大慈大悲阿彌陀佛。一拜即燒念。或跪念。坐念。立念。阿彌陀佛五百聲。或一千聲。多至萬聲以上更好。但宜日有定課。不可時多時少。念完接念法願文。或但念願生西方淨土中四句偈亦可。接念三歸依三拜完。至晚照前法行。每日兩次爲終身定課。二隨緣念。每日除早晚功課外。無論行住坐臥。在家出外。總將一句阿彌陀佛頓在心頭。念在口中。莫令間斷。三差別念。若精神昏沈時。或

妄想起時。卽高聲念佛。能令鬼神聞聲。皆得解脫。念久疲勞。卽低聲細念。若心氣不適。或人地有礙。但動口唇。不念出聲。謂之金剛念。此法能除妄想。令心得開。又一句頂一句。一句追一句。謂之追頂念佛。能令妄想不入。若得閒時。跏趺端坐。令鼻息極細。存心默念。口閉無聲。耳自聞念。因心耳在佛。妄想不起。斯謂坐禪念佛最妙之法。易得三昧也。

◎總勸第五。以上三字。信要堅固。一切外道毀謗不信。邪魔誘引不信。願要牢強。不因痛苦退願。不因名利退願。行要專切。不以艱難不行。不以事牽不行。此三個字。是諸佛菩薩所說。歷代祖師相傳。爲念佛往生的妙法。譬如有人將朝南嶽。先要信南嶽是個求福得福的處所。方肯發願去朝。旣發願朝山。方肯起行。若兼程前進。定然得到南嶽。今念佛人。若不信西方。則不肯發願。不發願。則不肯修念佛行。不修念佛行。則不得往生。所以我說信願行三個字。是念佛往生的祕訣。以佛法廣大無邊。唯念佛最爲切要。而信願行三。又爲念佛法門之最切要法。以是之故。名爲祕訣。以此祕訣。普示一切有緣衆生。令彼各各依之念佛。同得往生淨土。方合阿彌陀佛的本願。方是念佛人的大慈大悲心。

中 念佛四字訣

◎敘言第一。向者爲初機人方便。述信願行三字訣。沾潤頗衆。今爲根利者引進。復作四字訣。四字訣爲何。卽彌陀經言一心不亂是已。此四字是阿彌陀經之骨髓。亦是三藏十二部經之關鍵。何以故。經言萬法唯心。是此心字。言不二法門。是此一字。唯心不二。能包括一大藏教。亦兼攝宗門。所以此四字祕訣。爲念佛之極談也。

◎提綱第二。阿彌陀經言。若一日。若二日。若三日。若四日。若五日。若六日。若七日。一心不亂。執持名號。是言人根機有上中下。同用執持名號之功。至得一心不亂。則有一日至七日不同。但得一心不亂。卽是得念佛三昧。得念佛三昧者。能見本性。與宗門頓悟無異。而決定往生上品。則利益超勝多矣。經雖言一日至七日。世人亦有數月或數年或數十年未得者。其故有三。一罪業深重。故不得。二念不專切。故不得。三念不如法。故不得。爲防此等諸弊。略開方便如下。

◎心念第三。華嚴經曰。心佛及衆生。是三無差別。今念佛人。宜常依此經作念。一心無差別。念當持名時。凡口所念。耳所聞。目所見。皆是此心。除心之外。不念一物。不聞一聲。不見一色。如是則見世間萬事萬物。皆是我心。心外無物。則得一心不亂。何以故。心外有物。

則能亂心。如水外有波。卽能亂水。今若悟波卽是水。則任波搖動。水總是一。若悟物卽是心。則任物擾亂。心總是一。何以故。波是水之假相。不能亂水。物是心之幻影。不能亂心。是故以如是法念佛者。不必獨處空閒。除諸亂意。自得三昧。何以故。以既知盡是此心。則無處非空閒。本來無亂意也。

◎佛念第四 二佛無差別念。心既與佛無別。則我向所見一切是心者。卽一切皆是阿彌陀佛。於是所見所聞。皆當禮拜供養。既所見無他物。則見無他念。見色卽念佛。所聞無他物。則聞無他念。聞聲卽念佛。人之心亂。多由於見聞。若見聞皆念佛。則其心得一。又諸佛名號不一。法身是一。當知念千佛名號。或念萬佛名號。卽是念一阿彌陀佛。念一阿彌陀佛。亦卽是念千佛萬佛。不可因念阿彌陀佛。說無千佛萬佛。不可因念千佛萬佛。而不歸於阿彌陀佛。中人之心亂。由於不知專一。若知多卽一。一卽多。佛名一多無礙。則其心得一。

◎衆生念第五 三衆生無差別念。既知心與佛無別。佛與衆生無別。則凡所念佛。卽是念一切衆生。經言一切衆生皆有佛性。又言一切衆生本來成佛。法華言常不輕菩薩初